

Aanaar kieldâ čuovviittâstoimâ oca 29.3.2018 tme 15.00 räi

Párnáikárdimáttáatteijee

Suomâ stuárráamus já muččádumos kieldâ Aanaar lii Suomâs almugijkoskâsumos arktâsii eellim kuávdáš Tave-Laapist. Aanaar lii maanġákulttuurilâš já šaddee paijeel 6800 ässee kieldâ, kost láá šiev kirdemohtâvuodah sehe vijdes kávpáliih já almoliih palvâlusah. Suáluičielgi mađhâšemkuávdáš, ruámšáás já styeses Aanaarjávri sehe váldáliih meccikuávluh astoäigimáhdulâšvuodâiguin pirâstiteh kieldâkuávdáá Avveel.

Aanaar kieldâ arâšoddâdmist tust lii máhđulâšvuotâ porgâđ uccâ pärnijuávhuiguin. Mij anneep áárvust tuáimee oovtâstpargo sehe ovdáneijee pargosiárvus. Arâšoddâdmist mij tiáduštepp pirâs- já luándušoddâdem, kielâi rigesvuodâ sehe lihâdem merhâšume pärni šoddâmân, ovdánmân já oppâmân.

Avveel peivikiäčču, Eetuntie 1, 99800 Avveel:

Mecci lii aabâs paaldâst, saavehllátti peesah siämmást. Luistimeh juálgán oppeet já peivikiäju šiljoost peesah luistimijguin jotteeđ. Luándu lii peivikiäju aldasijn, puávtáh elleekuuvijd, kirjeráájun já maŋgáid puđâldâssáid väzzid pärnijguin. Mist juávhuu uceh láá, te máhđulâšvuotâ lii hävskis toimáid šooŋâst peerusthánnáá. Parnij já rávisulmui kooskást lii positiivlâš vuáruvaikuttem, tot lii vuádu ollâ tääsi arâšoddâdem.

Mij uuccâp **párnáikárdimáttáatteijee** fastâ tooimân vuosâsajasávt peivikiäju vuárujuávkun. Vuárujuávhuust pargeh 2 párnáikárdimáttáatteijee já 4 fastâ pärnitipšoo. Vuárujuávkku tuáimá paarnij tipšooaigij miel táárbu miel jándur pirrâ, mii vaaigut meid párnáikárdimáttáatteijee pargoááigán. Párnáikárdimáttáatteijee västid šoddâdeijeejuávhuust arâšoddâdem oláštumist já oovdedmist. Párnáikárdimáttáatteijest váttojuh noonâ pedâgogisiih tááiduh vuávâđ já oláštutid uđđâ arâšoddâdemvuávám miáldásii tooimâ. Vuárujuávhu párnáikárdimáttáatteijest váttojuh šiev juávkupargo- já ornimtááiduh. Fastâ párnáikárdimáttáatteijee toimâ álgá 1.7.18 teikâ sopâmuš miel.

Tohálâšvuotâvátámâššân párnáikárdimáttáatteijee tooimân lii ucemustáá šoddâdemtiettuu kandidaat tođhos, mii ana sistees párnáikárdimáttáatteijee škovliittâs, teikâ sosiaal- já tiervâsvuotâsyergi áámmátollâškovlâtođhos, mii ana sistees asâšoddâdem já sosiaalpedagogiikân sundešume uápuid nuuvt vijđáht ko staatáráádi asáttâssáin tárhibeht asáttuvvoo (laahâ sosiaalhuolâttâs áámmátlii pargovievâ tohálâšvuotâvátámâššáin 272/2005/7§). Palvâluskoskâvuodâ iávтуh já pälkki meriduvvojuh Kvpis miel, lasseen máksoo Aanaar-lase 3 %. Pargoäigi lii koskâmiärálávt 38,75 h/okko.

Ucâmušah tooimân toimáttuvvojuh **www.kuntarekry.fi** -sijđoi peht. Jis ij lah máhđulâš toohâđ šledġálii ucâmuš, te ucâmuš kalga toimáttiđ poostâ peht: Inarin kunta, sivistysosasto / varhaiskasvatusjohtaja, Piiskuntie 2, 99800 Avveel.



Tohálášvuodâ čäittee tuodâštusah sehe CV teikâ ánsuluváttállâm já eres tuodâštusah toimáttuvvojeh, jis pivdeh.

Lasetiäduid adelává peivikiäččuhovdá Mari Paalanen puh. 0400 398265 já arášoddâdemhovdá Pirkko Saarela puh. 040 7441259.
Šleđgâpostáčuojottâs: ovdânommâ.suhânommâ@inari.fi

Tooimân väljejum kalga toimáttiđ tuhhiittettee tuáhtártuodâštus tiervâsvuotâtilestis (T-luámáttâh) sehe uáinimnáál rikosregisterlaavâ 6 § 2 momentist uáivildum rikosregisterváldus. Párnáikârdimáttáatteijee tooimâst lii 4 mp keččâlemäigi. Aanaar kieldâ pargosaje lii suovâtem.

Ilmoitus julkaistaan kokonaisuudessaan www.kuntarekry.fi –sivustolla, kunnan virallisella ilmoitustaululla ja kotisivuilla www.inari.fi
Almottâs almottittoo tievâslâžžân www.kuntarekry.fi - siijđoin, kieldâ virgálii almottâstaavlust já päikkisiijđoin www.inari.fi.
Almmuhus almmustahttojuvvo ollásit www.kuntarekry.fi - siidduin,gieldda virggálaš almmuhantávvialis ja ruoktosiidduin www.inari.fi.
Âálmtoš čõõđtet obbvuođstes www.kuntarekry.fi - seeidin,kää'dd veerjlaž âálmtemtaaulâst da dommseidain www.inari.fi

Avelist 2.3.2018

arášoddâdemhovdá Pirkko Saarela

